



www.seelefride.ch

ÜSI BRÜGGEFILER

Ufem Burehof Seelefride söu e Brügg entstoh zwüsche Mönsh, Tier und der Natur.

Für die Brügg solid z'boue, hei mir üs drei Brüggepfiler zwäggschmidet und wette die zäme mit öich fescht im Bode verankere.

MILCHWIRTSCHAFT

Wird Gotte oder Götti vo eire vo üsne Chüeh und du überchunsch im Gägezug Müuch, Rahm u Anke.

Du wirsch dür das aber nid eifach e "Müuchabnämer" sondern söusch gseh, was bi üs ufem Burehof aus abgeit und chasch säuber mit apacke, wenn wosch.

Jedi Chueh überchunt acht Pate, wo jährlech e Patenschaftsbitrag vo CHF 2.- pro Tag izahle und aus Gägeleischtig derfür täglech e Liter Müuch überchöme. Je nach Müuchertrag chöi ou Rahm, Butter und / oder witeri saisonali Produkt bezoge wärde.

Wüu für üsi Chüeh ke Nachwuchs meh planet isch, wird d'Qualität wie ou d'Quantität vor Müuch irgendeinisch rücklöifig und d'Müuchproduktion wird igstöt. S'Chuehläbe söu aber ou denn nid eifach beändet wärde. D'Tier söue so lang wie müglech aus üsi Wägbegleiter, ohni müesse e Nutze aus Nahrigsmittuliferant z'erbringen, ihre Läbensobe bi üs dörfe gniesse.

D'PatInne profitiere aber witerhiin vo üsne Agebot, sige das Produkt us üsem Seelefride-Lädeli oder d'Nutzig vo üsne Rümlechkeite für Aläss.

DER MÖNSCH IM MITTUPUNKT

Ufem Burehof Seelefride biete mir e intergenerativi Betröiig, i Form vore Tagesgstautig für Seniorinne und Seniore und gliichzytig stattfindend e Spiugruppe für Vorschueuching ab 2.5 jährig.

S'Fuuschte ir Natur, mit de Tier und s'Zämeträffe vo zwene Generatione söu für aui Beteiligte aktivierend, sinnbringend und eifach schön si. D'Ching dörfe vom Erfahrigsschatz und vo de Gschichte vo de SeniorInne profitiere und sie söue im Gägezug d'Läbensfröid vo de Chliine u di strahlende Chinderouge dörfe gniesse.

ZIUGRUPPE

Bi üs si aui Ching ab 2.5 jährig und Seniorinne und Seniore wüukomme, egau vo welne Beiträchtigunge sie begleitet wärde. Aui söue d'Müglechkeit ha, bi üs z'gast z'si. Natürlech aber immer mit Rücksicht uf üsi Kapazitätä, und uf üsi bestehendi Gruppe, damit mer e gsungi Atmosphäre für aui chöi schaffe.

S'Agebot steit aune offe wo d'Begägnig u der Ustusch mit angerne Mönsche, der Natur und de Tier schetze und sech für d'Landwirtschaft intressiere u allefaus ou wei mitwürke.

TARIF

Für Spüugruppeching:

- CHF 30.- pro Mou inkl. eire Zwüschemahlzyt
- CHF 60.- pro Mou inkl. Mittagstisch und eire Zwüschemahlzyt

Der Mittagstisch cha flexibu am Spüugruppemorge agmäudet wärde.

Für SeniorInne:

- CHF 120.- pro Tag inkl. zwe Zwüschemahlzyte und Mittagstisch
- CHF 80.- pro Haubtag inkl. eire Zwüschemahlzyt und Mittagstisch
- CHF 60.- pro Haubtag inkl. eire Zwüschemahlzyt

Bi Bedarf steit gäge Verrächinig e Fahrdienst zur Verfüegig.

LÄBENSHOF FÜR CHLITIER

Üse Hof söu ou Zuewachs vo Chlitier übercho. Tier wo uf angerne Höf müesse wiचे, si bi üs willkomme. Si dörfe do aus e Teil vo üs, ihre Bedüfnis entsprächend, es schöns Läbe füere.

Für das schaffe mir mit Tierheim zäme, si aber ou offe für diräkti Afroge vo Familiene u Burehöf.

Hie si mir dankbar, wenn du üs mit ere Pateschaft ungerstützisch u so der Ungerhaut und d'Pfleg vo de Tier hüfusch sichere.

D'Höchi vom Pateschaftsbiitrag isch dir überlo.

UNGERSTÜTZIG

E Spänd cha viu bewürkel!

Mir fröie üs über jede Franke und danke öich scho jetz für öii Ungerstützig.



Bequem mit TWINT bezahlen



Scannen Sie den QR-Code mit Ihrer TWINT App.



Geben Sie den Totalbetrag ein und bestätigen Sie Ihre Zahlung.

Kontaktierit üs:

Burehof Seelefride
Oberbützberg 4
3368 Bleienbach
+41 79 708 37 83
burehof@seelefride.ch
www.seelefride.ch